

ORA NOS TRAHA
HUNTO,
TA MAS FUERTE
SO NOS TA BIRA!

ISLA(ONLINE

Diabierna 30 November 2018

Email: prensa@arubagovernment.aw Tel: 528-4900

UN ISLA

Noticia di Gobierno

Transparente



GOBIERNO DI ARUBA

Gabinete Wever-Croes ta sigui cu pasonan firme y determina pa crea un miho futuro pa tur ciudadano. Hunto nos ta trece e progreso y bienestar pa nos dushi Aruba.

MINISTER EVELYN WEVER-CROES

Prome Minister di Aruba



**Gobierno di Aruba lo duna un Presentacion amplio di Reforma Fiscal dialuna 3 di december:
CU REFORMA FISCAL LO BIN E CAMBIO HUSTO**

Ultimo detayenan ta wordo haci pa asina e cambio di ley pa loke ta trata e Reforma Fiscal wordo implementa. E compromiso di Gabinete Wever-Croes ta pa trece alivio pa nos pueblo. Ora cu Gobierno a introduci e crisisheffing temporal na juni ultimo, Gobierno a fiha tambe e meta pa introduci un sistema di impuesto mas husto cu lo duna alivio di e peso di belasting. E Reforma Fiscal ta un proyecto cu lo tuma su tempo. E ta parti den diferente fase cu lo wordo introduci gradualmente den e proximo lunanan nos dilanti.

Gobierno di Aruba lo duna un presentacion amplio di e vision di Gabinete Wever-Croes tocante e Reforma Fiscal dialuna awo, 3 di december di 3:30 pa 4:30 pm na Marriott Ballroom. Prome Minister Evelyn Wever Croes y Minister di Finansa Xiomara Ruiz-Maduro lo duna splicacion riba loke e Reforma Fiscal ta bay ta contene y su implicacionnan pa cada ciudadano di nos pais y con e lo afecta nos positivamente y trece e cambio husto.

Na final di e encuentro lo tin e oportunidad pa haci pregunta. Directora di Departamento di Impuesto señora Luenne Gomez-Pietersz y directora di departamento di Aduana señora Corinne Cabenda lo ta presente pa hunto cu Prome Minister y Minister di Finansa contesta e preguntanan.

Prome Minister ta haci un invitacion na miembronan di prensa cu ta siguiendo e desaroyo di Reforma Fiscal pa asisti dialuna awo na Marriott Ballroom pa haya tur informacion necesario. Pueblo di Aruba por sintonisa e presentacion LIVE via Facebook Gabinete Wever-Croes of via diferente otro medianan.

GOBIERNO DI ARUBA

CAMBIO HUSTO

REFORMA FISCAL

INVITACION

E COMPROMISO DI GABINETE WEVER-CROES TA PA TRECE ALIVIO PA NOS PUEBLO.

PRESENTACION AMPLIO DI CADA FASE DI E REFORMA FISCAL .

FECHA: 3 DECEMBER 2018

ORA : 3:00 - 5:00 PM

LUGA : MARRIOT BALLROOM

GABINETE WEVER-CROES

Cumpliendo cu Vision di Gabinete Wever-Croes pa trece bida bek den centro di ciudadnan: CAYA BETICO CROES TA HABRI PA AUTO PASA DURANTE ALGUN ORA DI DIA

Despues di conteo di 3, Prome Minister Evelyn Wever-Croes a primi 'Play' riba e tablet cu ta conecta na e sistema di sonido cu a wordo instala den Caya Betico Croes. Mesora mensahe di bon bini den Caya Betico Croes y deseonan di feliz dianan di fiesta a resona. Despues Prome Minister hunto cu Ministernan Otmar Oduber y Andin Bikker a habri nos Caya Betico Croes oficialmente. Un momento di emocion pa Gobierno sigur y pa tur esnan presente pa wak nos centro di ciudad habri pa vehiculonan pasa pa algun ora durante mainta y anochi.

Vision di Gobierno ta pa trece bida bek den nos centronan di ciudad. Diahuebs atardi un biaha mas Gobierno di Aruba ta cumpli cu nos pueblo na unda ta apunta cierto orarionan pa asina pueblo por pasa den nan auto hunto cu famia no solamente pa disfruta loke tiendanan tin di ofrece pero pa hopi ciudadano di nos pais, esaki ta trece recuerdonan bunita di con nos centro di ciudad di Oranjestad tawata antes.

Cu e vision aki den su maneho, Gobierno di Aruba ta anuncia cu Caya Betico Croes ta habri pa autonan pasa entre 6:00 AM te cu 9:00 AM y 6:00 PM pa 9:00 PM. Truck y vehiculo grandi / pisa no ta permiti pa pasa den caya Betico Croes. DOW lo tin borchis pa indica esaki. Ademá di a habri Caya Betico Croes na e orarionan menciona, a instala speaker den henter Caya Betico Croes na unda por scucha diferente mensahenan y bon deseonan pa dianan di fiesta

nos dilanti y tambe canticanan di Pasco lo resona henter e temporada aki.

Prome Minister Evelyn Wever-Croes den su mensahe, a felicita pueblo di Aruba y a encurasha nos comunidad pa sali keiro hunto cu famia y pasa den nos centro di ciudad y experiencia e ambiente dushi di fin di aña hunto.



MINISTER OTMAR ODUBER

Minister di Desaroyo Teritorial, Infraestructura y Medio Ambiente



Martijn Henriquez - TNO

“E PARKE MARINO LO TA DI ARUBA, E TA PERTENECE NA TUR HENDE”

E parke marino ta pertence na tur hende, e ta di pais Aruba. Esaki Martijn Henriquez di TNO ta comenta. TNO ta un compania cu ta duna gobierno conseho y demas instancianan riba nivel tecnico.

Henriquez a wordo puntra kico precisamente ta un parke marino, pa cual e ta splica cu un parke marino ta un area di naturalesa proteha pa asina e ecosistema di e luga specifica no sufri mas daño. Na Aruba specialmente, locual cu mas ta protegi ta coral reefs, magrovenan y beachnan unda cu tortuga ta pone neishi.

E areanan cu a wordo asigna pa e Parke Marino, ta Arikok, Mangel Halto y Seroe Colorado mirando cu akinan tin concentracion mas halto di biodiversidad. Henriquez ta conta cu e Parke Marino no a wordo implementa ainda pasobra Gobierno ainda ta trahando riba e regulacionnan y e leyman. Segun Henriquez, asina cu e regulacionnan di e parke ta concreto, informacion tocante e parke lo ta accesibel pa tur hende pa medio di un website.

Lo instala un organisacion cu lo maneha e parke y sigura cu ta respeta e leyman.



Remarcable Quotes:

“E parke marino ta pa tur hende, e ta pertence na pais Aruba”

“E parke marino ta pa proteha e ecosistema den nos awanan”



ULTIMO MILIEUSTRAT DI AÑA 2018 SPECIALMENTE PA TEMPORADA DI FIN DI AÑA TA WORDO ORGANISA UN BES MAS PA SERLIMAR S G Y A.T.A.

En conexion cu celebracion di temporada di fin di aña, e ta un tradicion cu Serlimar Sui Generis conhuntamente cu e aporte di Aruba Tourism Authority, A.T.A., ta organisa e ultimo Milieustraat di aña. Manera tradicion di tur fin di aña, Milieustraat 2018 lo cuminsa den luna di November y lo termina den luna di December y lo tuma luga den tur bario di Aruba. E fechanan cu Milieustraat 2018 lo tuma luga ta;

• 2 – December – 2018: ex. Lucky Store, San Nicolas

• 8 – December – 2018: Centro Deportivo Betico Croes, Santa Cruz

• 9 – December – 2018: Centro Deportivo Rooi Afo, Paradera

• 16 – December – 2018: Veld Universal, Pos Chiquito - Savaneta

Na cada fecha lo bai tin 4 container di Serlimar S G disponibel entre 7'or di mainta te cu 2'or di merdia. Tur habitante di bario y bisindario por haci uzo di e oportunidad aki pa benta articulo di cas,

Milieu STRAAT 2018

- 02 DEC '18 NA EX LUCKY STORE, SAN NICOLAS
- 08 DEC '18 NA CENTRO DEPORTIVO BETICO CROES, ST. CRUZ
- 09 DEC '18 NA CENTRO DEPORTIVO ROOI AFO, PARADERA
- 16 DEC '18 NA VELD UNIVERSAL POS CHIQUITO, SAVANETA

ORARIO LO TA DI 7'OR DI MAINTA TE CU 2'OR DI MERDIA!

sushi di cura of otro tipo di desperdicio afo den e container nan disponibel. Ploeg di Mantencion Bo Bario lo tey presente pa asisti habitante nan cu mester ayudo pa transporta nan desperdicio cu kier deshaci di djie. Serlimar S G kier pa e comunidad di Aruba marca e fechanan aki pa asina no perde e oportunidad pa deshaci di desperdicio na cas y asina cumpli cu e tradicion di

limpieza pa e temporada di fin di aña.

Pa ricibi e ayudo di Mantencion Bo Bario por yama 5974270 pa registra e adres pa e dia di limpieza.

Serlimar S G kier haci tambe un peticion special na e comunidad di Aruba pa no tira paña, sapato, co'i hunga of buki afo, cu ta den bon estado y cu por wordo uza.

Por colecta esaki nan y tuma contacto cu Serlimar via Facebook Messenger of na telefon 5245080 pa asina nos yuda un ruman den necesidad.

Esaki ta en conexion cu un proyecto nobo conhuntamente cu Fundacion Pa Nos Comunidad (FPNC Aruba) pa asina yuda esnan den necesidad pa e temporada di fin di aña.

**DUNA UN MAN
PA YUDA UN RUMAN**

BO TIN PAÑA, SAPATO, CO'I HUNGA OF BUKI CU BO NO TA UZA MAS?
NOS TA COLECTA ESAKI PA YUDA UN RUMAN



MINISTER XIOMARA RUIZ-MADURO

Minister di Finansa, Asuntonan Economico y Cultura

**Minister mr. Xiomara Ruiz-Maduro - Mision Economico Colombia tabata riba fructifero:
 "ARUBA A SERA CONTACTO IMPORTANTE CU
 COMERCIANTENAN COLOMBIANO"**

E siman aki 110 compania di Aruba, Corsow y Hulanda a participa na e Mision Comercial di Reino Hulandes na Colombia. E tabata un siman frutifero den cual companianan di Aruba a sera contacto comercial importante cu comerciantenan Colombiano. Banda di esaki a sera tambe contacto y a network cu comerciantenan di Corsow y Hulanda.



Colombia ta un Pais cu ta brinda hopi oportunidad comercial pa nos comerciantenan. Nos ta spera cu pronto e contactonan estableci por surti den contratonan concreto pa importacion di fruta y berdura y tambe por resulta den mas cooperacion riba e tereno di salubridad.



MISION ECONOMICO: COLOMBIA MINISTER XIOMARA RUIZ - MADURO A PRESENTA UN REGALO NA PRESIDENTE IVAN DUQUE

Durante un lunch ofreci pa Presidente Ivan Duque na e Casa de Nariño, Minister Sra. mr. Xiomara Ruiz-Maduro a haya e oportunidad pa presenta un regalo na e mandatario colombiano.



Minister Ruiz-Maduro a reuni cu ministro de Comercio, Industria y Turismo:

ARUBA Y COLOMBIA TRAHANDO RIBA MAS COOPERACION RIBA TERENO DI INVERSION, TURISMO Y SERVICIO MEDICO

Minister Sra. mr. Xiomara Ruiz-Maduro ta sigui cu su trabaonan aya na Colombia den e Mision Economico di Reino pa busca oportunidad economico nobo pa nos pais Aruba. Diaranson e mandatario arubano a reuni cu "Ministro de Comercio, Industria y Turismo Sr. Jose Manuel Restrepo Abondano. E reunion a inicia caminda e mandatario colombiano a elogia Aruba y su industria turistico cu ta un ehempel y di cual experiencia Colombia kier siña. Di parti Colombia nan ta desea pa por tin mas cooperacion riba tereno di inversionan den turismo y mehora e conexion entre Aruba y Colombia. Otro punto cu a ser treci dilanti di parti e mandatario Colombiano ta e bon colaboracion riba tereno medico ya cu Aruba ta haci hopi uso di e servicionan medico di colombia.

Di parti Aruba nos Minister di Finansa, Asuntonan Economico y Cultura Sra. mr. Xiomara Ruiz-Maduro a expresa e disponibilidad di Aruba pa comparti nos experiencia riba tereno turistico cu Colombia y ATA lo por hunga un rol primordial den esaki. Ademas Minister Ruiz-Maduro a resalta interes di Aruba pa desaroya e subsector di turismo medico na Aruba cu asistencia di expertonan di Colombia

Aki tambe minister a indica interes pa importa di forma structural productonan agricola di Colombia pa Aruba y a papia di e importancia y beneficio cu esaki tin pa consumidor na Aruba. E posibilidad pa habri e ruta maritimo di transporte di Baranquilla y Cartagena tabata topico di interes di ambos mandatario.

Minister Ruiz-Maduro a trece dilanti cu su colega Minister di Turismo, Salubridad Publico y Deporte Sr. Dangui Oduer lo bishita Colombia pa sigui amplia riba posibilidadnan di turismo medico y ruta di crucero di Aruba y Cartagena.

Ambos ministro Ruiz Maduro y Restrepo ta mira e importancia den industrianan creativo (creative industries) of manera e ta yama na Colombia, Industria Naranja. Esaki ta un di e sectornan cu a wordo identifica pa Aruba y cual mundialmente ta desaroyando rapidamente, esta un "upcoming industry". E industria aki ta hopi interesante tambe pa hobennan y kier incentiva esaki entre nos hobennan. Na Colombia ta haci uso di incubators pa desaroya e industria aki. Cu esaki Colombia kier fomenta industria naranja, ta creativo y trece e dinamica di negoshi via incubators.

E ministro di Comercio, Industria y Turismo a inicia recientemente un oficina INNPULSA, cual ta un unidad di e Gobierno nacional di Colombia cu ta promove entrepreneurship, innovacion y productividad como as pa desaroyo di empresanan y su competencia na Colombia cual lo ta fuente pa bienestar y progreso di e pais.

Minister Ruiz-Maduro a splica cu e promising sectors di Aruba pa incentiva e diversificacion di economia na Aruba y cu por crea cooperacion y inversion colombiano pa esaki.

Otro tema trata ta e gran oportunidadnan cu tin den cuadro di circular economy entre Aruba y Colombia y cu por genera beneficienan pa



ambos pais. Minister Ruiz-Maduro ta mira atras riba un reunion fructifero caminda a toca puntonan di interes mutuo cual ta awor lo sigui traha riba

nan y duna e cooperacion pa asina esaki por wordo realiza na beneficio di e comunidad arubano y colombiano.

MINISTER GLENBERT F. CROES

Minister di Asunto Social y Labor



WYATT RAS TA SUFRI DI E SINDROME DI MIKE EMAN: DESCONEXION TOTAL CU E REALIDAD

Nos por comprende e critica continuo cu e Parlamentario Wyatt Ras tin riba Minister Glenbert Croes. Su frustracion cu su mes, cu pa 8 aña largo el a sinta haci nada, tin Wyatt Ras cu e no por soporta cu Glenbert Croes si ta haciendo hopi mes y mucho mas den apenas un aña di Gobernacion.

Te dia di awe ora bo lesa reaccionnan di Wyatt Ras, bo ta keda babuca di e señora aki su ponencianan. El a contagia cu e sindrome di su lider: un desconexion total cu e berdad y cu e tristo realidad di nos Pais.

Nos ta manda Wyatt Ras lesa e rapport cu su Gobierno, cu su bendicion como Presidente di Parlamento, a laga sconde.

Aruba como pais y como pueblo, ta pasando den un era menos bunita, den problemanan hopi dificil, danki na e materialismo promovi pa AVP en bes di a inverti den fortalece e ser humano.

E gobierno di AVP a endeuda nos Pais superando e nivel aceptabel y responsabel, sin NUNCA a inverti un cen den sanacion social di nos Pais. Al contrario, a opta pa tapa e berdad cu klinker y asfalt. A opta pa sconde nos tristo realidad ainda den porta di eleccion.

E engaño aki, e trocemento di berdad aki, lo keda pa semper AVP su legado. Ta troce historia, ta troce e berdad financiero y a troce e realidad social cu e rementa den cara di nos Pais, nos Pueblo y Gabinete Wever-Croes riba 24 di november 2017.

Nos por comprende cu Wyatt-Ras ta frustra di wak un persona manera Minister Glenbert Croes sin background social algun, pero cu ta traha cu curason, ta logra hopi mas cu e propio Wyatt Ras cu ni como Presidente di Parlamento a haci nunca nada pa rescate social di nos Pueblo ni rescate financiero di nos Pais.

Gabinete Wever Croes si a demostra cu a pesar di CAFT (logro di AVP), a pesar di nos desastre financiero (logro di AVP), cu e Gobierno aki si ta pone miyones na disposicion di e cadena social. Nos no ta pretende di solucion'e den e gobernacion aki. Pero nos a y lo sigui percura pa hamas e candela cu e morto di Rishandroh y Roshendrick a cende, paga!

E tempo di hunga "mooi weer" a caba hunto cu AVP. Y cu cada bes cu surgi otro problema social, e ta refleho directo riba e ultimo 8 añanan di Wyatt Ras y su partido.



Continuacion Pagina 8

Por ultimo: Minister Glenbert Croes ta un gobernante transparente y p'esey e tin e organo mas halto di nos Pais esta Parlamento di Aruba, den persona di Sue-Ann Ras, ta controla kico tur ta haci, unda tur Aruba su placa ta bay. Un ehempel cu AVP por siña di dje cu por cierto ta tarea di Wyatt Ras tambe como Parlamentario.

E tempo di hunga "mooi weer" a caba hunto cu AVP. Y cu cada bes cu surgi otro

problema social, e ta refleho directo riba e ultimo 8 añanan di Wyatt Ras y su partido.

Por ultimo: Minister Glenbert Croes ta un gobernante transparente y p'esey e tin e organo mas halto di nos Pais esta Parlamento di Aruba, den persona di Sue-Ann Ras, ta controla kico tur ta haci, unda tur Aruba su placa ta bay. Un ehempel cu AVP por siña di dje cu por cierto ta tarea di Wyatt Ras tambe como Parlamentario.



“ Maltrato, abuso y negligencia a ranca bida di grandi y chikito for di nos comunidad. A yega e momento pa uni y renoba nos forsa di amor pa crea un comunidad di solidaridad y felicidad.”

SCP
SOCIAAL CRISISPLAN

MINISTER ANDIN BIKKER

Minister di Husticia, Seguridad y Migracion



DENTRO DI 18 LUNA TA EVALUA SI LEY DI ADMISION Y EXPULSION LTU TA BAY FUNCIONA DEN PRACTICA SEGUN MINISTER MR. ANDIN BIKKER

Despues di 12 aña a bin cambio den e ley di admision y expulsion di LTU. Manera ta conoci diamars ultimo e ley aki a ser trata den parlamento unda el a haya su aprobacion. Pa e inversionista tambe a bin cambio segun minister Bikker, esaki ta un sistema nobo di vergunningsrechten. Actualmente un inversionista ta paga un averahe di 100 florin na leges y retributies pa e por haya un permiso pa bin establece su mes na Aruba. Pa e suma di 100 florin e tin entrada tambe na Aruba su sistema di seguro general AZV y pa minister Bikker esey no ta proporcional.

Un inversionista cu tin manera y un schouder mas hancho mester por contribui mas di su parti. Si tuma ehempel di otro pais, nan ta pidi sumanan mas halto ora ta trata di inversionista cu kier bin establece na un pais. Pesey a modernisa e sistema di leges y retributies cu den e caso aki ta un dimension nobo cu ta vergunningsrechten. Pa vreemdelingenketen a introduci un advies commissie den e ley di LTU.

Esey basicamente ta un comision cu ta bay tene reunion y duna conseho constantemente no solamente na minister di husticia pero na diferente departamento cu ta traha den vreemdelingenketen.



Ta trata di departamentonan manera DIMAS, Guarda nos Costa, IASA y otro ministerionan cu tambe ta cay bow di e vreemdelingenketen cu ta ministerio di labor. Segun Minister Bikker tempo cu el a bira minister el a sinti cu mester tin mas coordinacion entre e departamentonan aki y pesey a pone den e ley nobo cu a keda aproba diamars ultimo. E dimension di asilo politico tambe a haya su atencion den e ley di LTU.

Pa cu esaki a pone un base pa regula e ley aki na un manera mas moderno basa riba tratado internacional.

Actualmente e dimension di asilo politico ta regula den articulo 19 di toelatingsbesluit, pero tempo cu a concipia e articulo 19, ningun hende por a biba pensa cu Aruba ta bay haya su mes den un situacion sin precedente manera ta pasando den dje awor aki cu e situacion na Venezuela. Segun Minister Bikker ta actualisa y haci e procedura mas rigido pa cu e peticionnan pa asilo politico.

E ley di LTU den su esencia ta un raamwet y a tuma na consideracion cu a tarda 12 aña minimo pa bin cu cambio den ley di admision y expulsion


di LTU, y no ta bay tarda 12 aña mas pa bin cu cambio pa update e ley. Pesey a bin cu diferente articulo, caminda pa medio di decreto por actualisa leyman y no warda atrobe pa pasa den un ley formal. Ta bay tin momentonan di evaluacion dentro di 18 luna unda por bay consulta cu parlamento cua ta efecto di e ley cu a introduci y si mester adapta, mehora of haci cambio.

Tur esaki por yuda den salvaguardia y vigila con e ley ta bay funciona den practica segun Minister di Husticia mr. Andin Bikker.

Mas promocion den Cuerpo Policial Aruba DI AGENT 1STE KLASSE PROMOVI PA BRIGADIER

Na Centro di Husticia a tuma lugar entregamento di Landbesluit pa agente policial Sr. Steve Bikker. E la haya e landbesluit door di Alto comisario di polis Sr. Andrew Hoo y waarnemend districtchef di districto di Santa Cruz Walter Werleman Sub inspector primera klasse.

Cu su curashi y determinacion Bikker awor ta brigadier. Aruba port a orguyoso cu nos tin agente policial educa y profesional cu ta sirbi nos pais. Masha Pabien Steve Santa Cruz y Pais Aruba lo sigui conta cu bo servicio, integridad y seguridad!



E prome pa hacie den e islanan ABC VIANNEY COFFIE E PROME POLIS PA PARTICIPA DEN IRONMAN



Awe Cuerpo Policial Aruba ta anuncia cu Sr. Vianney Coffie un polis no desconoci den nos comunidad lo participa den IronMan 2018. Vianney Coffie ta forma parti di e unidad canino miho conoce como (K9 UNIT) di Cuerpo Policial Aruba. Tur cos a inicia na e comienso di e aña aki ora ela participa den

Ronde van Aruba. Esaki tabata e comienso di un hazaña cu awe e ta bai participa na Iron Man na Colombia.

Despues cu e exigencia di Scol di Polis tabata halto den loke tabata deporte, esey a motiva Coffie pa duna 100% di su parti den deporte pa asina e por termina y haya su MBO diploma di polis. E no por a hacie su so. Hunto cu su coleganan di klas nan a yude y pushe pa asina e pone su mente dirigi pa logra su metanan. Ora ela wak cu nada ta imposibel, ta di e momento ey ela wak cu un carera nobo lo inicia su dilanti. Ela hinca su mes den deporte no solamente pa e parti fisico pero mentalmente tambe pa asina e por yega final na cada evento deportivo.

Iron Man 2018:

E Iron Man lo tuma lugar na Colombia. Ta trata aki di un version chikito cu yama 70.3 cu Coffie lo participa. E ta incera 1.9km di landamento, 90km di bicicleta y un half marathon di 21km na pia. Bryan Lampe ta un un di so sostenedoran cu a pushe pa cu awe e ta bai pa e di 2 hazaña cu ta e Ironman. Coffie mes a haci su sondeo y a constata cu na Aruba, Boneiro y Curacao no tabata tin niun agente policial cu a yega asina leu pa den e evento di magnitud asina aki. Coffie lo ta e prome agente policial di Aruba cu lo participa den e evento aki cu lo carga Aruba y KPA den exterior.

E aña aki Coffie a atende diferente evento deportivo. E

motivacion lo sigui y Coffie su meta principal ta pa completa e Ironman 2018 completo. Coffie a viaha caba pa Colombia pa Ironman 2018. Tabata 6 luna di preparacion y awor e dia a yega. Diadomingo awor dia 2 di december 2018 lo tin e competencia y Coffie ta cla pa participa y ta mentalmente prepara.

Nos di Cuerpo Policial Aruba ta sumamento agradeci na Coffie pa su lucha y transformacion. Un agente policial cu ta duna ehempel pa e siguiente generacion. Nos ta desea Vianney Coffie hopi exito na Colombia y semper sigui preservera y guia e hobennan cu ta esnan cu lo guia e pais aki mayan.

MINISTER ARMANDO LAMPE

Minister di Enseñansa, Ciencia y Desaroyo Sostenibel



MINISTER DR. ARMANDO RUDY LAMPE Y PARLAMENTARIO RICARDO CROES A RICIBI SRA. PIEDAD CORDOBA FOR DI COLOMBIA PA E 1ST ANNUAL MEDICAL CANNABIS CONFERENCE

Diahuebs 29 november mainta Minister dr. Armando Rudy Lampe hunto cu parlamentario Ricardo Croes y Sra. Vicky Perez di VICPERCAS a bay ricibi Sra. Piedad Cordoba for di Colombia pa e 1st Annual Medical Cannabis Conference.

Sra. Piedad Cordoba tabata ex-candidato presidencial pa Colombia, y ex-Senador. Mas den atardi Minister di Enseñansa, Ciencia y Desaroyo Sostenibel dr. Armando "Rudy" Lampe a bay ricibi Martijn Groot Nibbelink y Rene Roemersma for di Hulanda cu tambe a bin, pa atende e conferencia di dia 1 december proximo. Sr. Martijn Groot Nibbelink ta di Vereniging Nederlandse Gemeente y ta un di conseheronan principal pa e topico di Cannabis, Sr Rene Roemersma ta di TNI (Trans National Institute), co-organisador di e evento y ta percurando pa e parti strategico di legalisacion na Colombia.

Tambe den e mesun vuelo a yega hunto cu sr. Nibbelink y sr. Roemerma, sr Tomas Zabransky, cu ta representando Tsjechie, den e reunionan interno, cu lo bay tuma lugar aki na Aruba diabierna 30 di november encuanto e topico Legalisacion di Cannabis Medicinal y cu lo trata diferente topico di interes comun y general pa diferente pais cu lo tin representacion den e reunion ya menciona.



IPA TA GRADICI TUR PERSONA CU A BISHITA MASALMENTE SU DIA PA PUBLICO DIASABRA DIA 16 DI NOVEMBER. SIGUI NOS RIBA FB P'ASINA KEDA ALTANTE DI TUR COS





Aruba Pabien!

**Gabinete Wever Croes ta anuncia cu
Caya Betico Croes ta habri oficialmente**


Dialuna pa Diadomingo

6am-9am / 6pm-9pm

**Truck y tampoco vehiculo grandi / pisa no ta permiti pa
pasa den caya. DOW lo tin borchis pa indica esaki.**

DECEMBER 2018

- 1** Diasabra, Family Day Weekend | Sint & Piet 4pm-6pm & Open Air Movie Night, The Grinch @ Plaza Daniel Leo 7pm
- 8** Kidpreneur\$ Bazaar 4pm-7pm @ ex Interbank | IDEA
- 15** Korte Weg Festival @ Korte Weg 5pm-9pm
- 21** Diabierna, Ambient'i Fin di Aña | Violinista, Omar Kock 3pm-4pm y gaita
- 22** Diasabra, Ambient'i Fin di Aña | Shopping Night cu Grupo Mama Rosa 2pm-4pm, Los Paranderos 4pm-5pm y Las Unicas 4pm-6pm y Cadushi Festival
- 23** Diadomingo, Ambient'i Fin di Aña | Tiendanan lo ta habri te cu 2pm
- 24** Dialuna, Ambient'i Fin di Aña | Tienda nan lo ta habri horario normal
- 28** Diabierna, Ambient'i Fin di Aña | Gaita
- 29** Diasabra, Ambient'i Fin di Aña | Las Unicas 4pm-6pm
- 31** Dialuna, Ambient'i Fin di Aña | 1 Miyon Tiro 11am Los Paranderos 9:30am-11:30am



DRENTA DEN E AMBIENTE DI PASCO CU NOS!

Invitando full pueblo di Aruba pa nos prome anochi di Pelicula!

E anochi ki nos lo tin Dr. Seuss' How The Grinch Stole Christmas pa tur nos muchanan por enjoy! Tambe lo tin stand di Popcorn y Ice Cream!





GOBIERNO DI ARUBA

UN
*Feliz Fin
di Siman*
E MOMENTONAN MAS IMPORTANTE
TA CU FAMILIA
